



Funded by the European Union



Հայաստանում ռեսուրսների արդյունավետ ու ավելի մաքուր արտադրության զարգացում

ՌԱՄԱ մեթոդաբանություն

Ռեսուրսների արդյունավետ ու մաքուր արտադրությունը (ՌԱՄԱ) կանխարգելիչ բնապահպանական ռազմավարությունների համապարփակ և շարունակական կիրառումն է գործընթացների, ապրանքների ու ծառայությունների արդյունավետությունը բարձրացնելու և մարդկանց ու շրջակա միջավայրի վրա ռիսկերը նվազեցնելու համար: ՌԱՄԱ նպատակն է արտադրել ավելի քիչ ռեսուրսներով և միաժամանակ նվազագույնի հասցնել շրջակա միջավայրի վրա ազդեցություններն ու բարձրացնել ընդհանուր արտադրողականությունը: Փոքր ու միջին ձեռնարկությունների (ՓՄՁ-ներ) համար ՌԱՄԱ մեթոդաբանությունը արդյունավետ գործիք է ծախսերը նվազեցնելու, ինչպես նաև ՓՄՁ-ների մրցակցային առավելությունները բարելավելու ու էկոլոգիապես մաքուր գործելակերպ կիրառելու համար: Ինչպես նաև, ՌԱՄԱ-ն համարվում է ՓՄՁ-ների շրջանում շրջանաձև տնտեսության սկզբունքների ներդրման և խթանման արդյունավետ գործիք:

«Մ. ՍԻՍԱԿՅԱՆ» ՍՊԸ - ՏԵՔՍՏԻԼ ԱՐՏԱԴՐԱՆՔ




Ընկերության մասին

Գտնվելու վայր՝ Սպիտակ
Արտահանման քվոտա (%)՝ 90
Հիմնադրման տարեթիվ՝ 2017
Աշխատակիցների քանակ՝ 41
Հիմնական արտադրատեսակներ՝ աշխատանքային համազգեստ, վերնազգեստ, զինվորական համազգեստ
Հիմնական շուկան՝ Հայաստան, Գերմանիա, Նիդեռլանդներ, Ֆրանսիա

«Մ. Սիսակյան» ՍՊԸ-ն կարի ընկերություն է, որը հիմնադրվել է 2017 թվականին, Լոռու մարզում: Ընկերությունը որպես ենթակապալառու մատուցում է կարի ծառայություններ խոշոր տեքստիլ արտադրողների համար, հետևաբար նրա արտադրանքը հիմնականում ուղղված է արտահանմանը: Թեև ձեռնարկությունն ինքը չունի որևէ միջազգային սերտիֆիկատ, ընկերության զխսավոր կապալառուներից մեկը՝ Գլորիան, ISO 9001 սերտիֆիկատի կրող է և Մ.Սիսակյանի ողջ տարածքում ներդրել է որակի ապահովման ստանդարտացված համակարգը: Ավելի էներգաարդյունավետ արտադրության հասնելու շարժառիթով ընկերությունը մասնակցել է ՌԱՄԱ ցուցադրական նախագծին «Կանաչ տնտեսություն Արևելյան գործընկերության տարածաշրջանում» (EAP Green)-ի շրջանակներում (2019-2024): Այս հրապարակումը ցույց է տալիս ընկերության փորձը, որը զեկուցվել է 2022-2023 թթ. իրականացված մոնիթորինգից հետո:

ԱՌԱՎԵԼՈՒԹՅՈՒՆՆԵՐ



Գործողությունն իրականացվել է



Նախագծի մոտեցումները

ՌԱՄԱ-ի գնահատումն ուսումնասիրել է արտադրական տարածքը և բացահայտել ՌԱՄԱ-ի տարբերակներ, որոնցից ձեռնարկություն կողմից առաջնահերթություն են տրվել երկուսին, որոնք միջին և ցածր ծախսատարության առաջարկություններ են:

ՌԱՄԱ տարբերակ 1: Ֆոտովոլտային (ՖՎ) արևային պանելների տեղադրում: Այս միջոցառումն իրենից ներկայացնում է 30-ից 50 կՎտժ անվանական հզորությամբ ՖՎ արևային համակարգի տեղադրում: Սա կսահմանափակի ընկերության կախվածությունը ազգային ցանցից և հնարավորություն կտա դառնալ էներգապես ինքնաբավ:

ՌԱՄԱ տարբերակ 2: Վերամշակված գործվածքների մնացորդների և սինտեֆոնի վերաօգտագործում՝ նոր ապրանքներ ստեղծելու և դրանք շուկայում վաճառելու համար: Օգտագործելով գործվածքները և փափուկ մանրաթելերի մնացորդները՝ կարտադրվեն նոր ապրանքներ (օրինակ՝ գործվածքներ բարձր և վերմակների համար, անկողնային պարագաներ, փափուկ խաղալիքների և խաղալիքների արտադրություն), ինչպես նաև կվերամշակվի արհեստական մանրաթելը, (որը կարող է հետագայում վաճառվել կահույք արտադրողներին): Թափոնների և աղտոտվածության ընդհանուր ցուցանիշը (որն առաջանում է ավելորդ գործվածքի այրման հետևանքով) զգալիորեն կնվազի:

ՊԱՀՊԱՆԵԼՈՎ ԶԵՌՔԲԵՐՈՒՄՆԵՐԸ

Հիմնական ՌԱՄԱ գործողություններ

- ՏԱՐԲԵՐԱԿ 1** Ֆոտովոլտային (ՖՎ) արևային պանելի տեղադրում
- ՏԱՐԲԵՐԱԿ 2** Վերամշակված գործվածքների մնացորդների և սինտեֆոնի վերաօգտագործում՝ նոր ապրանքներ ստեղծելու և դրանք շուկայում վաճառելու համար

Հիմնական տնտեսական ցուցանիշներ

ՌԱՄԱ ՏԱՐԲԵՐԱԿՆԵՐ	ՆԵՐԴՐՈՒՄ (ԵՎՐՈ)	ԽՆԱՅՈՂՈՒԹՅՈՒՆ (ԵՎՐՈ/ՏԱՐԻ)	ՀԵՏԳԵՄԱՆ ԺԱՄԿԵՏ (ՏԱՐԻ)
Տարբերակ 1:	25,000	5,800	5-6
Տարբերակ 2:	30	200	1

Ռեսուրսների խնայողություն

ՌԱՄԱ ՏԱՐԲԵՐԱԿՆԵՐ	ՆՅՈՒԹԵՐ (%/ՏԱՐԻ)	ԷԼ ՀՈՍԱՆՔ (%/ՏԱՐԻ)
Տարբերակ 1:	/	100%
Տարբերակ 2:	30%	/

Աղտոտվածության ընդհանուր նվազում

ՌԱՄԱ ՏԱՐԲԵՐԱԿՆԵՐ	CO ₂ -ԲԵՂ (Տ/ՏԱՐԻ)	ԹՈՓՈՆՆԵՐ (Տ/ՏԱՐԻ)
Ընդհանուր :	28	1-2

“Մեր ընկերությունը ցանկանում էր ունենալ նոր մոտեցումներ և նոր ուղեցույցներ՝ ծախսերը նվազեցնելու և արտադրողականությունը բարձրացնելու համար: ՌԱՄԱ ցուցադրական ծրագրի շնորհիվ մենք սովորեցինք, թե ինչպես նվազեցնել արտադրության ծախսերը, ինչպես նաև թափոնները և աղտոտվածությունը: Քանի որ մեր ընկերությունը ներդրումներ է կատարում սեփական ապրանքանիշի կառուցման, հանրային իրազեկվածության բարելավման և ապագա բանակցություններում ամուր դիրքեր ապահովելու համար, ՌԱՄԱ ծրագրի փորձը մեզ ոգեշնչել է նոր գաղափարներով հանդես գալ հետագա ՌԱՄԱ միջոցառումների իրականացման վերաբերյալ, - ասաց տնօրեն՝ պարոն Արթուր Դանիելյանը:”

ՌԱՄԱ-ի ներդրումը եղել է ԵՄ-ի կողմից ֆինանսավորվող «ԵՄ-ն շրջակա միջավայրի համար» գործողության մաս և իրականացվել է ՄԱԿԱԶԿ-ի կողմից: Այս համատեքստում «Մ. Սիսակյան»-ը միացել է «ՌԱՄԱ» ցուցադրական նախագծին, որը մշտադիտարկվելու է «ԵՄ-ն շրջակա միջավայրի համար» գործողության շրջանակներում: Հետագա այցելություններ են իրականացվել նաև՝ ստուգելու առաջարկվող ՌԱՄԱ տարբերակների իրականացումը: «ԵՄ-ն շրջակա միջավայրի համար» ծրագիրն օգնում է Արևելյան գործընկերության գործընկեր վեց երկրներին պահպանել իրենց բնական կապիտալն ու բարձրացնել մարդկանց բնապահպանական բարեկեցությունը՝ աջակցելով շրջակա միջավայրին առնչվող գործողություններին, ցուցադրելով և բացելով ավելի կանաչ աճի հնարավորությունները և ստեղծելով շրջակա միջավայրի ռիսկերն ու ազդեցությունները ավելի լավ կառավարելու մեխանիզմներ: Լրացուցիչ մանրամասների համար այցելեք՝ www.eu4environment.org

Այս հրատարակությունը պատրաստվել է Եվրոպական միության աջակցությամբ: Դրա բովանդակությունը բացառապես ՄԱԿԱԶԿ-ի պատասխանատվությունն է և պարտադիր չէ, որ արտահայտի Եվրոպական միության տեսակետները:

© - 2023 - ՄԱԿԱԶԿ: Բոլոր իրավունքները պաշտպանված են: Լիցենզավորված է Եվրամիությանը՝ համաձայն պայմանների:



ՄԱԿ-ի Արդյունաբերական Զարգացման
Վազմակերպություն
տիկին Տատյանա Չերնյավսկայա
«ԵՄ-ն շրջակա միջավայրի համար» ծրագրի ղեկավար
Հեռ: +43 1 26 0 26 5520
Էլ. հասցե: t.chernyavskaya@unido.org



Կոնտակտներ:
Տարածաշրջանային Բնապահպանական
Կենտրոն Կովկաս
Հասցե: Հայկական ազգային գրասենյակ
Այգեստան փ.7, շենք N 2, 0010, Երևան
Կայք: www.rec.am
Հեռ: +374-115-75-148